

四部叢刊三編史部

天下郡國利病書

八

雲貴、交趾、西南夷、四夷
附顧亭林先生年譜一卷

雲南貴州

備錄

形勢

雲南雖稱荒服而綢繆防禦不可不周者以滇黔與楚
蜀輔車唇齒之勢也說者謂雲南山川形勢東以曲靖
為關以雷孟為蔽南以元江為關以車里為蔽西以永
昌為關以蔡川為蔽北以鶴慶為關以麗江為蔽又云
雲南要害之處有三東南八百老撾交趾諸蠻以元江
臨江為鎖鑰西南緬甸諸蠻以騰越永昌順寧為咽喉
西北吐蕃以麗江永寧北勝為扼塞識此三要可以籌
雲南矣元史言雲南之地東至晉安路之橫山其西至
緬地之江頭城凡三千九百里南至臨安之鹿滄江北

至羅、斯之大渡河凡四千里其迤東西二十郡大抵以滇池而分南北所畫為跡者則在西江東北為金沙西南為瀾滄先儒以為即禹貢梁州之黑水也司馬遷史記稱滇池旁地腴饒巴蜀民或竊出商賈取其犛馬犍僮旄牛以此巴蜀殷富而范蔚宗后漢書亦稱滇池河上平敞有鹽池田漁之饒金銀富產之富人倍豪汰居官者皆富及累世由是觀之滇固非瘠土也唐天寶以后蒙氏以一隅之力累抗王師此即財力雄富之一驗今山川形勢與古不殊休息勞徠墾田積粟使其民成饒裕之俗是在良有司矣

沿革

漢置益州郡領縣滇池雙柏連然俞元穀昌昆澤葉榆律高不常雲南
嵩唐賁古勝休來唯等共二十四 屬越雋郡縣遂久靖蛉共二屬牂
牁郡縣直蘭等共四

東漢仍為益州領縣勝休律高昆澤建伶等共十七永昌郡領縣哀牢
博南等共八

蜀漢改置郡建寧雲南興古共三

晉置寧州領郡雲南興古建寧永昌共四屬縣雲平鐸封漢興新定談
豪修雲冷丘永壽雍鄉南涪等共四十五 太康以後改置郡益州晉
寧平夷共三

宋仍為寧州領郡建寧晉寧牂牁西河東河陽雲南興寧興古梁水

等共十縣同梁談豪萬安新定新興萬壽晉梁丹南成昌建安雲南雲
平西安甸町南興梁水西隨新封鐔封等共五十二

南齊為寧州鎮領郡建平梁水建寧晉寧興寧西阿平梁永昌等共十
四屬縣同梁新定晉梁綏寧丹南梁水西隨驃封永豐綏雲遂安臨江
雙栢雲平都陽晉綏新城成昌西中南興新豐益寧安寧永安壑鄉西
城等共七十二

晉宋齊寧州所領郡邑皆不止此今止錄在今境內者

唐置雲南郡領縣姚城瀘南長明共三

元置雲南諸路行中書省為路中慶威楚武定鶴慶雲遠麗江孟傑普
安徵江普定建昌德昌會川廣西元江大理柔遠茫市鎮康鎮西平緬
麓川木邦孟定蒙兀等共三十七府仁德栢興共二屬府北勝永昌

騰衝共三州嵩盟開南威遠順浪集永寧通安蘭巨津羅雄建安瀘
禮里濶邛部隆姜昌德威龍普濟武安恭溪會理麻龍等共五十四
縣楊林邛甸威楚南甸易籠石舊臨西芳華通泉文水石梁羅山普舍
研和邑市為美歸厚中瀘沾閨鹽金等共四十七

皇明改置布政司領府十二雲南大理臨安楚雄澂江蒙化廣西景東
廣南順寧永寧鎮沅軍民府八永昌曲靖鶴慶姚安尋甸武定元江麗
江武定今去
軍民字州三北勝雲州今改屬
順寧府新化今改屬
臨安府長官司一者樂甸

其羈縻府二宣慰司六宣撫司三州四長官司二

滇志

國朝置雲南布政司治于昆明城括二十郡左右分畫左曰迤東右曰迤西界以大江東北曰金沙西南曰蘭滄金沙自北入東海蘭滄自南入南海幅員不翅萬里官軍從大將軍南下及五方之人或以戍或以徙或以僑寓不歸是曰漢人並生夷地是曰夷人夷有二種居黑水之裡曰爨居黑水之表曰焚爨屬即縣焚爨羈靡總計夷漢人三之夷人七之又分計兩夷焚人三之爨人七之天所以限華夷也

大事考 洪武初段寶遣段貞奉表歸款五年遣翰林侍詔王禕八年遣中書省叅知政事吳雲先後招諭雲南不下死之詔謚禕忠文雲忠節建祠春秋並祀十四年命穎川侯傅友德為征南將軍永昌侯藍玉西平侯沐英為副將軍帥師征雲南平之十五年改行省為雲南等處承宣布政使司領諸府州縣司置都指揮使司領諸衛所置提刑按察司分巡安普臨元金滄洱海

四道兼察諸府州縣司衛所。十六年，以雲南所屬烏撒烏蒙芒部三府隸與四川布政司。征南將軍傅友德等送故元雲南右丞觀音保為金盞指揮使，賜名李觀，以段寶二孫為武昌衛僑門衛鎮撫，賜名歸仁、歸義。命長興侯耿炳文詔諭潁川侯傅友德等班師，留西平侯沐英鎮守雲南。十七年，論平雲南功，進封傅友德潁國公、永昌侯、藍玉西平侯、沐英等。予誥券世襲，餘各陞賞。十九年，雲南左布政使張統奏請中鹽商人照舊納米穀于金盞，詔從之。二月，命傅友德、耿炳文再征雲南貴州諸蠻，平之。二十一年，麓川百夷思倫發反，西平侯沐英遣都督馮誠督兵禦之，賊大敗，尋遣人訴奏，諉罪其下。詔通政司經歷楊大用齎勅往諭宥之。六月，東川諸蠻叛，命潁國公傅友德為征南將軍，西平侯沐英、普定侯陳桓為左右副將軍，帥師討平之。六月，越州土酋阿資叛，命友德、英等討之。築堡平夷，阿資遁奔普安。土官普旦與資俱降。二十二年，僉都

御史黃政從征雲南還次普安遇寇及其子琬皆死之 二十三年置景東蒙
化二衛 二十四年阿資復叛平羌將軍何福率兵討之阿資降 二十五年
六月丁卯西平侯沐英卒十月追封黔寧王謚昭靖子春襲爵鎮守雲南 二
十八年阿資復叛沐春討誅之 三十年平緬蠻刀幹孟叛逐宣慰使思倫發
發至京具訴詔遣沐春何福徐海率兵討之擒刀幹孟正法令思倫發仍長平
緬 永樂元年車里宣慰司刀遣答入寇據威遠州知州西平侯沐晟請討之
上命先行撫諭遣荅悔懼歸州官及入貢方物謝罪釋之 三年二月寧遠
州土官刀吉罕奏安南侵奪猛慢等七寨命禮部遣使諭之 四月勅西平侯
沐晟伐安南雲南西南諸夷大小古刺等部落入朝進貢 詔置宣慰司二
長官司五統之 六年平安南降其郡四十有八封沐晟黔國公世襲 宣德
七年八百大甸土官刀之雅入貢請討波勒不許 九年勅都督沐昂贊輔黔
國以馭蠻夷 正統二年馬龍他郎甸蠻為梗都督沐昂討平之 十月麓川

夷思任發叛侵掠騰衝南甸 四年遣刑部主事楊寧往諭思任發不聽 閏
二月命黔國公沐晟率都督沐昂方政討麓川次潞江方政戰死之沐晟帥師
還至楚雄卒 詔追封沐晟定遠王謚忠敬方政謚忠毅 六年思任發遣使
入謝太監王振力主討議侍讀劉球諫不聽 命定西伯蔣貴為征夷將軍兵
部尚書王驥提督軍務征麓川太監吉祥監督軍務侍郎徐晞督軍餉 十一
月總兵蔣貴等大破麓川思任發遁 總兵蔣貴遣指揮萬誠等率兵擊敗蠻
賊常郎羅于維摩州宣諭廣南富州土官懷郎沈政 七年論平麓川功進封
蔣貴定西侯王驥靖遠伯陞郎中侯進為禮部右侍郎楊寧為刑部右侍郎
十月思任發復叛復以定西侯蔣貴靖遠伯王驥兼兵部尚書提督軍務征麓
川緬甸 八年二月靖遠伯王驥等至金齒大敗緬人于蠻江思任發復遁
九年四月督麓川軍餉左僉都御史程富還京賜白金紵綵陞左副都御史
五月命侍郎楊寧叅贊雲南軍務 十月巡撫侍郎楊寧遣使入緬詰問思任

發事緬人懼，任發首以獻。十二年十月，麓川思任發子思機發思上發據孟養以叛。十三年，命靖遠伯王驥督軍務都督官聚為總兵，張軌、田禮為副，率兵討之。十一月，靖遠伯王驥等督兵破思機發于孟養寨，河西縣學教諭詹英劾驥老師費財濫行爵賞，召驥還，乃班師。

麓川事兩志所載略有異，同舊志載正統六年以後。

事是年，權闖王振專政，遣都御史王驥統東南兵十五萬征麓川。思任發任發逃，獲其妻妾、象、馬、寶玉、無算，官陞功職四百餘員。明年，麓川降，明年定西侯蔣貴靖遠伯王驥以征麓川為名，再入雲南。明年，緬人獲思任發，函其首獻于軍。又明年，靖遠伯王驥帥師會諸道後征麓川，詹英劾之，乃已。玩其語，意似歸咎於權，尚有傳聞於故老者乎。成化十二年，更置臨安、瀾滄、金騰、曲靖四兵備道。

十四年，罷尋甸廣西土官知府，設流官。十九年，命僉都御史程宗樞諭木邦，設猛密安撫司。弘治五年，詔查錄開平王曾孫常復于臨安，戍所授南京錦衣衛指揮使。五月，麓川夷酋思機因禁罕究法，構兵巡按御史張奉檄諭各土漢兵臨思機境，取還究法。機懼，因械其首禍者三十餘人。七年，置

賓川州。正德二年，雲南屬夷阿本叛，巡撫吳文度率兵討平之。嘉靖元年，改金齒指揮使司為永昌軍民府，仍置永昌衛，改騰衝指揮使司為騰越州，仍置騰衝衛。注添設大理府督捕通判駐白崖。七年，武定注尋甸土酋煽亂，兵部尚書伍文定討平之。九年十一月，大學士張璁請革雲南鎮守內臣從之。十六年，勅雲南鎮巡會討安南。二十三年，添設姚安府督捕通判駐赤石崖。二十四年，添設洱海守備。三十年，元江那繼殺姪那憲，奪其印，巡撫石簡率兵往討，左布政使徐樾死之。四十五年，巡按御史劉思賢請罷臨元參將，設守備從之。武定土酋鳳繼祖叛，命巡撫兵部尚書呂光洵發兵討賊，賜之餼。兵備僉事張澤率尋甸兵與賊戰，敗績，賊執澤以歸。巡撫尚書呂光洵視師境上，兵備參政盧岐嶷、副使楊守魯、陸綸、朱珍等分道進剿，屢敗之。賊渡江道，賊勢孤，要挾求撫歸。僉事張澤不許。賊以兵逼原執兵備僉事張澤不屈死之。官兵渡江追賊于七州地界，逆賊繼祖為其下所殺，餘衆悉

隆慶三年添設鄧川州流官知州 四年復設臨元叅將罷守備 勅雲
南巡撫都御史兼制建昌畢節地方 五年黔國公沐朝弼以病具疏求致仕
請以其子沐昌祚帶都督銜掛印代鎮從之 六年巡撫鄒應龍論劾黔國公
沐朝弼奉 旨逮問革任安置南京以其子沐昌祚襲黔國公鎮守雲南 萬
曆元年十一月巡撫都御史鄒應龍勦平鐵索箐屢叛夷寇羅革等 二年二
月迷蒙柵僕等賊叛劫不已應龍會昌祚并發兵勦悉平 五年廣南懷賊
叛巡撫王凝會鎮守沐昌祚撫定之 九年罷臨元叅將復設守備 十一年
冬十月隴酋岳鳳耿苗罕虔勾緬叛巡撫劉世曾御史董裕會黔國公沐昌祚
疏遣叅將劉綬鄧子龍討之 十一月莽應裡會孟養猛密車里八百等兵併
衆入犯巡撫劉世曾遣叅將鄧子龍破之擒罕虔于攀枝花遊擊劉綬擒岳鳳
及子曩烏于隴川獻俘京師 十三年論平岳罕功加巡撫劉世曾右都御史
兼兵部右侍郎照舊巡撫沐昌祚加太子太保各廕一子 添設金騰叅將姚

關守備罷順蒙奉將改設守備罷臨元守備復設奉將 十五年羅雄酋者繼
榮叛 撫鎮劉世曾沐昌祚鵬勦斬繼榮羅雄平改設流官賜州名羅平所名
定雄 羅平餘黨董仲文等復叛官兵進勦平之 密堵送連二城久歸緬迤
西思威思化思順以兵復之按察使李材遊擊劉天俸乘勝助兵斬千餘級巡
撫劉世曾以捷聞尋陞材右僉都御史巡撫鄖陽 巡按御史蘇鄭疏論迤西
功多僇屍抵級 命逮材天俸等下詔獄削巡撫劉世曾籍

甚哉邊事之難
言也遠如滇強

如緬尤難之難也言語不通憑象胥之口傳宣任意多變幻其詞將官以首功
為奇貨又不獨滇與緬也李公以理學鳴似無此舉動而蘇公抗疏數千言如
嚴霜凜冽 神宗怒不測一切救疏如不聞每歲夏秋藏獄怒移西曹諸司奪
俸者數矣久之御史薛繼茂上疏救始下部覆奉 恩旨改戍或又謂公在鄖
陽與中貴有卻或飛語入 官借滇事為辭未可知也 十六年裁銀場道分屬四守道改分巡安普道為

兵巡安普道 勅臨元奉將兼治霑平守備事 十九年丁苴白改夷普應春
等叛撫鎮吳定沐昌祚討平之題設新平縣 改新化州隸臨安府 二十年